

# Dienelkander



## Nuusbrief van die Gereformeerde Kerk Potchefstroom-Oos

15 Oktober 2017

### OGGENDDIENS: Ds Piet

Die doop word vanoggend bedien aan D'Niël, Meyer en Estia Joubert se babaseuntjie. Baie geluk aan julle en aan die hele familie. Ons is saam met julle dankbaar. Baie welkom aan vriende en familie wat die geleentheid vandag meemaak.

In ons preekreeks oor die Sola-slagspreuke van die Reformasie kom ons vanoggend by die vierde slagspreuk naamlik "Genade alleen".

**Skriflesing:** Lukas 18: 9 - 17

**Teks:** Lukas 18:14

**Tema:** God gee sy genade alleen aan sondaars met leë hande! Hoe staan jy voor God?

Genade alleen! Die Roomse kerk in die tyd van die Reformasie het God voorgestel as 'n genadelose God wat sondaars straf. Die siening dat jy gered is omdat jy aan die kerk behoort het by baie kerkleiers 'n hoogmoedige houding gekweek teenoor mense wat in sonde vasgevang is. Omdat die kerk red kon die kerk ook straf en daarom is baie mense wat van een of ander sonde aangekla is, deur die kerk onthoof of op die brandstapel tereg gestel.

Martin Luther het in die lig hiervan geworstel met die vraag: Waar vind ek 'n genadige God? Want hy was diep bewus van sy sonde

en verlorenheid! Wat 'n dankbare vreugde toe hy deur sy Skrifstudie tot die besef kom: ek kan maar met leë hande voor God staan want God red uit genade alleen. Dit is Hy wat nederiges verhoog en hoogmoediges verneder!

Hoe staan ek en jy in ons verhouding voor God? Hoogmoedig, selfversekerd en selfvoldaan? Of nederig, met leë hande en die besef van ons verlorenheid?

### Lofsang met die oog op die erediens

Ps 145-1: 1, 2, 5, 11, 12 en Ps 146-1: 1, 3, 5, 6

### Ontmoetingsdiens

Intreelied Ps 111-2: 1, 2; Votum; Seën; Loflied Ps 107-1: 1, 10; Geloofsbelijdenis: 12 Artikels

### Verootmoedigingsdiens

Wetlesing: Deut 5: 5 - 15 en Deut 6: 1 - 9; Sing Ps 130-1: 1, 4 (Derde melodie); Gebed

### Sakramentsbediening

Doopformulier; Bediening van die doop; Sing na die doop: Sb 16-1: 1, 2, 3 (voorskoolse kinders na hulle bediening); Gebed

### Woorddiens

Skriflesing; Woordverkondiging;

### Antwoorddiens

Sing Lied 510: 1, 4; Liefdegawes; Sing

Lied 203: 1, 2, 3; Seën; Amenlied Sb13-3.

### AANDDIENS: Ds. Piet

**Skrifgedeelte:** Markus 8: 27 - 9:1

**Teks:** Markus 8: 34 - 35

**Tema:** Is jy nog werklik 'n volgeling van Jesus?

Byna almal wat iets van die Bybel of van God weet noem hulle deesdae self 'n "Christen". Onder die benaming "Christen" kan jy dan eintlik enige iets wees of glo! Van die wat hulself Christene noem, kan jy kwalik aan hulle lewensstyl sien dat hulle in Jesus glo. So word daar vandag ook baie gepraat van "buite-kerklike christene" en dat hulle nou eintlik die hoofstroom Christene is en die wat in die kerk is, die skynheiliges en formaliste is.

Dis insiggewend om te weet dat Jesus nooit van sy dissipels as Christene gepraat het nie. Dit was eers in Antiogië waar ongelowiges die volgelinge van Jesus "Christene" genoem het. Om jouself 'n Christen te noem is eintlik dus eintlik nie korrek nie. Jesus noem die wat Hom gevolg het, sy dissipels en later sy apostels. Wat is jy? Is jy 'n Christen of 'n ware volgeling van Jesus?

### Lofsang met die oog oop die erediens

Ps 97-1: 1, 6, 7 en Ps 93-2: 1, 2, 5 (Mel van Lied 582)

### Ontmoetingsdiens

Intreelied Ps 20-1: 1, 2, 5, 6; Seën; Lofsang  
Ps 45-1: 1, 6, 9, 10; Gebed

### Woorddiens

Skriflesing; Woordverkondiging

### Antwoorddiens

Gebed; Liefdegawes; Bevestiging van ouderlinge; Sing ouderlinge toe Ps 134-1: 4;  
Slotsang Sb 3-4: 1, 4; Seën; Amenlied Sb 13-2.

### MEELEWING

- Barend en Maria Pretorius (Groep 17 - 084 293 6029) het op 6 Okt 'n babadogtertjie uit die hand van die Here ontvang. Baie geluk.
- Baie geluk aan Simon en Chrisda du Plooy (Groep 3 - 018 290 6738) wie se dogter, Daniela van Heerden, bekroonde joernalis, die afgelope week die Jong Alumnus-toekenning van die NWU ontvang het.
- Hennie Kruger (Groep 14 - 082 470 1022) het die afgelope week 'n lensvervanging ondergaan en die komende week word die ander oog ook geopereer.
- Oom Grobbie Grobler (Groep 41 - 073 258 7833) ondergaan eerskomende Dinsdag toetse in Medi-Kliniek.
- Marthie van der Walt (Groep 18 - 072 153 5119) het 'n klein prosedure aan haar knie ondergaan en herstel tuis.

**Ons bid dat die Here spoedig beterskap, herstel en troos sal gee.**

### ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Janet vd Walt, Hester Buys, Anna Scholtz, Isak vd Walt, Tjaart Snyman, Andy en Blossom Pretorius en Koos en Marlene Jooste.

### ONDERSTEUNING VIR SIEKES

Vir ondersteuning of besoeke deur die hospitaalbesoeke-diensgroep, skakel hierdie week vir: [siektes@oosdoppers.co.za](mailto:siektes@oosdoppers.co.za) of Rina Seyffert (072 429 9247)

## **PROGRAM VAN DIE WEEK**

### **Vandag**

09:00 Gebedsgroep  
09:30 Oggenddiens  
Kleuterbediening  
Katkasisie Les 23  
Tee en Koffie  
18:00 Aanddiens

### **Maandag**

18:00 Geen Kommunikasie-Dg vergadering

### **Dinsdag**

06:00 Manne Ondersteuningsgroep  
18:00 Sustersbestuur  
18:00 Katkasisie Gr 10

### **Woensdag**

10:00 Amandelbloeisels  
17:15 Katkasisie Gr 11  
17:30 Katkasisie Gr 9  
19:00 Bybelstudie Klipdrif (Afsluiting)

### **AFKONDIGINGS**

- Liefdegawe vanoggend vir Barmhartigheid (Zapper betaalmetode beskikbaar)
- Gawe by die deure vanoggend vir die Emeritusfonds.
- Gawes volgende Sondag vir die Emeritusfonds.
- Vrywillige bydrae vir voertuigsekuriteit in die bussies by die deure.
- Diensbeurte: Groep 3 en 4.

### **DRINGEND OPSOEK!**

Die videoprojektor in die kerkgebou se "remote" is weg. Indien iemand iets daarvan weet kan julle asb vir Eddie Coetsee kontak (072 567 8932).

### **KOS-MA/KOS-PA**

Die laerskool Koningskinders is opsoek na 'n bereidwillige wat sy/haar talente in die kampkombuis kan kom wys by die jaarlikse kamp wat plaasvind tussen 7-13 Desember 2017. Take van die kos-ma/kos-pa sluit in: Voorbereiding van oggendete, middagete,

aandete, tussen-in lekkernye, asook laataand bederfies vir die groepleiers . Indien u belangstel, skakel gerus: Willem van der Meer- 073 021 6871; Matthew Llewellyn- 078 725 4591; Monique de Klerk- 078 802 6478

### **REFORMASIE 500 FEES POTCHEFSTROOM - SONDAG, 22 OKTOBER**

Op Sondag, 22 Okt, om 17:00 kom al die kerke van gereformeerde oorsprong saam vir die 500 ste herdenking van die Reformasie/Hervorming van 1517. Ons wil as gemeente die fees bywoon en die reëlings is as volg:

Plek: Amfiteater van die NWU Potchefstroom kampus

#### Program

16:45 Samesang

17:00 Verwelkoming

17:15 Molen Korus en Massakoor optrede

17:30 Carel Trichardt en Petru Wessels bied aan: Martin Luther – hier staan ek!

18:15 Kort samesang

18:20 Prof Fika Janse van Rensburg – Feesboodskap

18:50 Molen Korus en Massakoor optrede

19:00 Samesang afsluiting

Daar sal ook 'n vrywillige kollekte die aand met die fees opgeneem word. Die gelde sal aangewend word om die koste van die geleentheid te dek en alle fondse wat oorbly sal aan die SA Bybelgenootskap oorgedra word ten bate van Bybelverspreiding. Die geleentheid word gereël deur die Tussenkerklike Raad van die Geref Kerke, NG Kerke en NH Kerke. Hierdie geleentheid vervang dan die jaarlikse gesamentlike Hervormingsdiens by Cachet. Op Sondagaand, 29 Okt, sal daar 'n normale aanddiens by Potch-Oos gehou word.

## **BYBELLOOP VIR BYBELVERSPREIDING OP HERVORMINGSONDAG, 29 OKTOBER 2017**

Ons gesamentlike Bybelloop vir Bybelverspreiding saam met ons bure oorkant Paryslaan nl die Herv Kerk Grimbeekpark en die NG Kerk Grimbeekpark word verskuif vanaf 15 Okt na 29 Okt om 10:45. Besonderhede van die aksie sal later gegee word. Ons sien uit na die lekker gee-aksie saam met medegelowiges.

### **VERJAARSDAE**

Baie geluk aan almal wat DV hierdie week verjaar!

#### **Sondag, 15 Oktober**

Sr Naomi Pretorius	072 786 2572
Jbr Stephan Terblanche	
Jsr Carla vd Merwe	083 379 9154

#### **Maandag, 16 Oktober**

Jsr Veronique Geyer	056 811 5516
Sr Tilla Havenga	072 311 3263

#### **Dinsdag, 17 Oktober**

Sr Anna Scholtz (92)	
Sr Estelle v Hamburg	082 779 1401

#### **Woensdag, 18 Oktober**

Br Hannes Coetsee	084 019 6363
Sr Susan Lourens	073 898 0181

#### **Donderdag, 19 Oktober**

Br Frans Kruger	083 793 0552
-----------------	--------------

#### **Vrydag, 20 Oktober**

Br Giel Vermeulen (76)	082 764 4826
------------------------	--------------

#### **Saterdag, 21 Oktober**

Br Willem Pretorius	082 300 1522
---------------------	--------------

### **AFKONDIGINGS**

- Liefdegawe vanoggend vir Barmhartigheid (Zapper betaalmetode beskikbaar)
- Gawe by die deure vanoggend vir die SDDS (Kinderhuise).
- Gawes volgende Sondag vir die Emeritusfonds.

- Vrywillige bydrae vir voertuigsekuriteit in die bussies by die deure.
- Diensbeurte: Groep 1 en 2.

### **AMANDELBLOEISELS**

Ons nooi graag al die Amandelbloeiels uit om Woensdagoggend om 10:00 saam by die Skuur te kom kuier om tannie Yda se besondere verjaarsdag saam met haar te vier.

### **LAERSKOOLJEUG UITSTAPPIE**

Dankie aan Marie Oosthuizen vir die reëlings van die uitstappie. Ons het dit baie geniet.

### **ONS GESIN AS DISSIPELS VAN JESUS:**

#### **23-26 OKTOBER**

Ons nooi alle ouers en ander volwassenes uit na 'n kursus in hernuwing van jou dissipelskap. Deel van die kursus sluit ook in hoe ouers hulle kinders kan lei om dissipels van Jesus te wees.

Aanbieder: Ds Johannes Aucamp van Pretoria

Datums: 23 - 26 Oktober

Tyd: 19:00 - 21:00

Plek: Rocherstraat 75, Kerksaal

Gereformeerde Kerk Potchefstroom-Oos.

Koste: Gratis

Bespreek by: Adele Delport. Tel: 018

2907690 (tot 13:00) of stuur 'n epos na kerkkantoor@oosdoppers.co.za.

**ALMAL IS BAIE WELKOM!**

### **'n Reaksie uit die gemeenskap oor ons Kinderfees**

"Verlede week was 'n hoogte punt in baie kinders se lewens, my seuntjie inkluis. Ek wil graag vir julle baie dankie sê, ek weet daar is verskeie pare hande wat hierdie week so spesiaal gemaak het, van die oom wat die hek opgepas het sodat ons weet die kinders is veilig, die tannies wat gesorg het vir die lekker koeldrank en eetgoed, almal wat betrokke was met die reelings en al die ander hande waarvan ons nie eers bewus is

nie!! Dan die kinders wat as span leiers opgetree het, dankie dat julle bereid was om jul vakansie op te offer en meer nog, om vir die kleiner kinders as voorbeeld te wees. Jul het 'n ongelooflike groot indruk op hul gemaak.

Hoop julle kry 'n ruskansie hierdie week. Tot volgende jaar....ons moet al klaar begin om vir Honger Hennie goed by mekaar te maak!

Van 'n baie dankbare ma  
Hester"

### KENNISGEWINGBORD

- Advertensie: JD's Nasorg
- Cantabile: Music from the Movies - 27 Oktober
- Vleis te koop teen goeie prys: Mariska v Greuning

### GEMEENTELIKE HERWINNINGSWERK

Gebruik ons herwinningshok vir: Papier, plastiek, karton, glas, blikkies en polystyrene. *Dit hoef nie gesorteer te wees nie, herwinningsitems moet wel in plastieksakke toegebind wees. ASB GEEN huisafval nie!* Die glas/blikkies/plastiek moet asb uitgespoel wees en nie vuil ingegooi word nie.

### Voorstelle vir 'n lekker naam vir hierdie herwinningsprojek

"Raap, Skraap en Red" = Yda Vosser  
"Raap en Red", kortweg R&R = Rina Seyffert  
"WOW" projek - Wen ons wêreld = Shantell Andersen  
Ashoop rykdom = Harriet van der Walt  
Swartsak Rande = Harriet van der Walt  
lets uit niets = Harriet van der Walt  
lets verniets = Harriet van der Walt  
Herwin Dollars = Harriet van der Walt  
**Ons vra vir groep 41 - deur wie se inisiatief die projek begin is - om 'n naam te kies vir ons herwinningsprojek.**

### KENNISGEWING VANAF DIE DIAKONIE:

#### LIEFDEGAWES VIR BARMHARTIGHEID

DEUR

#### SELFOON TOEPASSING: **ZAPPER**



Hierdie QR simboolkode is gekoppel aan die Diakonie se rekening en **slegs bydraes vir Barmhartigheid** kan daarmee gemaak word - geen ander betalings aan die Diakonie of kerkraad nie.

### SOSIALE MEDIA VIR ONS GEMEENTE

Webblad: [www.oosdoppers.co.za](http://www.oosdoppers.co.za)

Facebook:

[www.facebook.com/oosdoppers](https://www.facebook.com/oosdoppers)



**Beeldmateriaal van preke kan hier gesien word:**

<http://ow.ly/ivfZ309vsdc>. Ds Piet stuur weekliks sy preke per e-pos uit. Laat weet hulle indien jy dit wil ontvang.

Ons wil ook graag 'n vriendelike versoek rig dat u nie op die gemeente se elektroniese sms-stelsel terug antwoord nie, maar asseblief die kerkkantoor bel of 'n e-pos stuur, aangesien dit 'n rekenaar-sms is.

### KONTAKBESONDERHEDE: PREDIKANT, HULPDIENS & KANTOOR

Ds. Piet: 018 290 5635 / 082 779 1237

Hulpdiens: Ds. Pieter vd Walt –

082 851 3637

Prof. Herrie v Rooy –  
083 700 3933

Kerkkantoor: Adele 018 290 7690

Kosterspaar: Johan 061 336 7255  
Elsa 073 959 8051



# SUSTERS IN DIE GELOOF

"DIE VREUGDE VAN 'n LEWENDE GELOOF"

## TEESKINKGELEENTHEID



Tee word **vandag** onder die leiding van Marlise Styger (Groep 8), Loretta Bester (Groep 9) en Marna Naudè (Groep 10) bedien.

**Volgende week** skink Wilma Viviers (Groep 11), Elmien Halgryn (Groep 12) en Ria Robberts (Groep 13) tee. *Baie dankie julle!*

- *Baie dankie aan die groepsusters en hulle groepe se susters en broers wat met die skink en opwas help!*
- *Ons moedig susters en broers aan om met die skink en opwas te kom help – so leer ons mekaar en ons nuwe groepe beter ken!*

## SUSTERSBYDRAE



Die susters se fondse word uit elke suster se vrywillige bydrae (R150 per jaar) verkry asook die fondse wat tydens fondsinsamelings-geleenthede geïn word. Hierdie geld word gebruik om na minderbevoordeeltes uit te reik en daar word jaarliks aan verskillende verdienstelike instansies, donasies gegee.



## BLIKKIES-WARMHARTE

Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal goo en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproewing gaan. **Die blikkies se kleingeld het dit moontlik gemaak vir die susters om in 2016 vir 29 persone 'n blomme-bedarf of iets anders te gee. Baie dankie vir julle getroue bydra!**

## MELKFONDS



Ons gemeente is bevoordeel om elke Sondag 'n heerlike kopje melkkoffie of tee na die erediens te geniet. Ons herinner graag alle lidmate aan ons melkfondshouers by die bedieningspunte. Hierdie melkfonds word gebruik om huis in hierdie voorreg te voorsien. Graag vra ons vir enige donasies wanneer daar weer heerlik rondom 'n kopje koffie of tee gekuier word. Die donasies kan in die houers geplaas word en so verseker ons ook elke week se lekker saamkuier na die erediens.

## BANKBESONDERHEDE VIR SUSTERS SE INBETALINGS



Susters, let daarop dat die Susters 'n aparte bankrekening het vir al hul bydraes, nagmaaletes se inbetalings, ens. Die rekeningbesonderhede is:  
Potchefstroom-Oos Susters, Capitec Bank, Tjekrekening: 145 652 5695,  
Takkode: 470 010

## GESAMENTLIKE SUSTERSAFSLUITING – 7 NOVEMBER BY GK POTCHEFSTROOM

Lieve susters, Potchefstroom gemeente nooi al ons dames hartlik uit na die jaarlike gesamentlike sistersafsluiting.

Hulle beplan om die aand Psalms op die Liederwyses te sing! Elke gemeente kry 'n kans om die aand op te helder sodat ons ook kan deel in die wysies van die ou dae! Ons sal daarom moet saam oefen om Potch-Oos se naam hoog te hou. Ons sing Ps 138 (Groen FAK nr 377 om solank "stembande te oefen")

Skryf asb jou naam op die lys in die voorportaal van die Skuur indien jy kan bywoon.

### KWARTAALPROGRAM

DATUM	DAG	TYD	WIE	WAT
17 Okt	Dinsdag	18:00	Bestuur	Susterbestuursvergadering
24 Okt	Dinsdag	18:00	Groepsusters	Groepsustersvergadering
31 Okt	Dinsdag		Blok D	Potch-Oos Sistersafsluiting
04-Nov	Saterdag	10:00	Bestuur en groepsusters	Amandelbloeiels afsluiting
7 Nov	Dinsdag	18:30	Bywoning soos op lys	Gesamentlike sistersafsluiting
12-Nov	Sondag	12:00	Blok B	Nagmaalete
15-Nov	Woensdag	20:00 - 20:30	Blok A	Promosieplegtigheid verversings
24 Nov- 2 Des	Sat - Sat	07:00 tot 20:00	Almal	Moorivier Kersmark

Baie dankie aan ons borg van die week!

 <b>MOOI RIVIER</b> APTEEK PHARMACY Elke dag oop tot 20:30	<b>Kerkstraat 199</b> <b>Potchefstroom</b> <b>Tel: 297 7247</b>	<b>ESTÉE LAUDER</b> <b>PAYOT</b> PARIS <b>Kanebo</b> <b>ROC</b>	<b>ORLANE PARIS</b> <b>CLARINS PARIS</b> <b>REVLON</b> <b>GREEN CROSS</b>
---	---	---	--



# OOSDOPPERTJIES

Jes. 43:1b "Ek het jou op jou naam geroep,  
jy is myne."

NUUS UIT DIE BYBELKOERANT



## ROMEINSE KAPTEIN SLUIT AAN BY DIE JESUS-VOLGELINGE

SESAREA. - 'n Kaptein van die Romeinse regiment wat hier gestasioneer is, Cornelius, het vriend en vyand verras toe hy en sy hele huis besluit het om by die "Volgelinge van Jesus" aan te sluit.

Wat die hele saak nog meer verbasend maak, is dat die leier van die groep, Simon bar Jona, ook bekend as Petrus, persoonlik al die pad van Joppe af na Cornelius se huis gekom het om hom en sy mense by die groep in te lyf. Hulle is gister almal in die naam van Jesus gedoop.

Kornelius is 'n beminde figuur in die stad en hoog in aansien by die Joodse gemeenskap. Hy doen baie om die armes onder die Joodse volk te help, en hy word allerweë as 'n godsdienstige mens beskou. Plaaslike Joodse godsdienstleiers het egter hulle verontwaardiging en afsku uitgespreek oor die feit dat Simon by 'n onrein nie-Jood se huis ingegaan het en selfs saam met hom geëet het.

"Ons het nikks teen die man nie; intendeel, ons het die hoogste agting vir die goeie werk wat hy hier doen. Maar hy is nou eenmaal nie 'n Jood nie en daarom durf geen godsdienstige Jood by sy huis ingaan nie. Dit is soos ons wet sê en nikks wat ek of jy dink, kan dit verander nie," het rabbi Joël van die plaaslike sinagoge gesê. Hy het voorspel dat die optrede van Simon nog ernstige gevolge vir die sekte self sal hê. "Ons het nog lank nie die einde van hierdie storie gehoor nie. Geen Jood met selfrespek sal dit nou oorweeg om by hierdie mense aan te sluit nie."

Simon gaan na verwagting nog 'n paar dae by die Romeinse kaptein oorbly voordat hy na Jerusalem terugkeer. Of rabbi Joël reg is met sy voorspelling van 'n krisis in die groep, sal net die tyd kan leer.

Lees hiervan in Hand. 10: 1 - 11:18.